


BOSNA I HERCEGOVINA FEDERACIJA BOSNE I HERCEGOVINE UNSKO-SANSKI KANTON MINISTARSTVO UNUTRAŠNJIH POSLOVA		BOSNIA AND HERZEGOVINA FEDERATION OF BOSNIA AND HERZEGOVINA THE UNA-SANA CANTON MINISTRY OF THE INTERIOR
--	---	--

UPRAVA POLICIJE

Broj: 05-04/06-11-531/24

Dana: 17.07.2024. godine

Na osnovu člana 64. stav (1) tačka b), člana 70., člana 72. Stav (3) tačka c) i tačka f) Zakona o javnim nabavkama („Sl. glasnik BiH“, broj: 39/14, 59/22), a na osnovu člana 26. i člana 27. stav (3) Zakona o unutrašnjim poslovima Unsko-sanskog kantona (“Službeni glasnik USK - a”, broj: 13/16, 16/17, 8/24) u postupku javne nabavke roba - municije putem ograničenog postupka za potrebe Uprave policije MUP USK-a, zamjenik direktora Uprave policije Ministarstva unutrašnjih poslova Unsko-sanskog kantona Bihać donosi:

**ODLUKU**

**o poništenju odluke broj: 05-04/06-11-531/24 od 04.07.2024. godine  
i odabiru drugorangiranog ponuđača**

Član 1.

Poništava se Odluka o izboru najpovoljnijeg ponuđača broj: 05-04/06-11-531/24 od 04.07.2024. godine u postupku nabavke roba - municije za potrebe Uprave policije MUP USK-a, kojom je kao najpovoljniji ponuđač izabran **„SHOT“ D.O.O. ZENICA**.

Član 2.

Ugovor za javnu nabavku roba - municije za potrebe Uprave policije MUP USK-a dodjeljuje se drugorangiranom ponuđaču **„DANIAL'S“ d.o.o. Tešanj** za ponuđenu zbirnu cijenu u iznosu od 41.100,00 KM bez uračunatog PDV-a, odnosno 48.087,00 KM sa uračunatim PDV-om, na osnovu kriterija za dodjelu ugovora „najniža cijena“.

Član 3.

Izabrani ponuđač je dužan da u roku od 5 (pet) dana od dana prijema ove Odluke dostavi originale ili ovjerene kopije dokumenata iz člana 45. Zakona o javnim nabavkama i člana 9. Pravilnika o postupku dodjele ugovora iz oblasti odbrane i sigurnosti.

Ova obaveza se ne odnosi na ponuđača koji je tražene dokaze dostavio u sastavu zahtjeva za učešće/ponude.

Član 4.

Po pravosnažnosti ove Odluke Ugovorni organ će sa izabranim ponuđačem zaključiti Ugovor kojim će se regulisati međusobna prava i obaveze vezano za predmetnu nabavku shodno uslovima Ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

Član 5.

Za izvršenje ove Odluke zadužuje se i ovlašćuje Sektor za materijalno - finansijske poslove i informacijsko - komunikacijske tehnologije Uprave policije MUP USK-a.

Član 6.

Ova Odluka se dostavlja svim ponuđačima koji su učestvovali u postupku javne nabavke, shodno članu 70. stav (2) i stav (6) Zakona o javnim nabavkama i to elektronskim sredstvom, i bit će objavljena na web stranici Ugovornog organa [www.mupusk.gov.ba](http://www.mupusk.gov.ba).

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 05-04/06-11-531/2024 od 29.04.2024. godine.

Javna nabavka je provedena putem ograničenog postupka, putem II faze:

- a) I faza - faza pretkvalifikacije,
- b) II faza - faza poziva za dostavljanje ponuda.

Procijenjena vrijednost javne nabavke bez uračunatog PDV-a je do 80.000,00 KM.

Obavještenje o nabavci broj: 20936-2-1-32-3-18/24 objavljeno je na portalu „E-nabavke“ dana 07.05.2024. godine.

Komisija za javnu nabavku imenovana je Rješenjem broj: 05-04/04-2-11-585/22 od 06.06.2024.godine i 29.04.2024.godine.

Rok za prijem zahtjeva za učešće u I fazi pretkvalifikacije u ograničenom postupku nabavke roba - municije bio je 23.05.2024. godine do 12:00 sati.

Krajnji rok za prijem ponuda u II fazi ograničenog postupka bio je 27.06.2024. godine do 09,00 sati.

Komisija za javnu nabavku dostavila je Zapisnik o ocjeni ponuda (II faza ograničenog postupka javne nabavke) broj: 05-04/01-1-11-531/24 od 27.06.2024. godine, Zapisnik sa otvaranja ponuda od 27.06.2024. godine, Izvještaj o toku i završetku E-aukcije od 01.07.2024. godine i Preporuku o izboru najpovoljnijeg ponuđača broj: 05-04/01-1-11-531/24 od 01.07.2024. godine, u postupku javne nabavke roba - municije za potrebe Uprave policije MUP USK-a.

U postupku po Zapisniku o pregledu i ocjeni ponuda je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene 4 ponude,
- da su blagovremeno primljene 4 ponude,
- da nije bilo neblagovremeno primljenih ponuda,
- da su ponude ponuđača „KM TRADE“ d.o.o. Visoko, „SHOT“ d.o.o. Zenica, „MM TRADE“ d.o.o. Široki Brijeg i „DANIALS“ d.o.o. Tešanj prihvatljive.

Komisija je provela postupak nabavke putem ograničenog postupka u II faze:

- u I fazi obavljena je provjera kvalifikacije ponuđača prema uslovima i kriterijumima utvrđenim u tenderskoj dokumentaciji,

- u II fazi je izvršena ocjena ponuda u skladu sa tenderskom dokumentacijom, provedena je E-aukcija i date su preporuke Ugovornom organu za dalje postupanje u ovom predmetu.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u dostavljenu ponudu i dokumentaciju ponuđača „KM TRADE“ d.o.o. Visoko, „SHOT“ d.o.o. Zenica, „MM TRADE“ d.o.o. Široki Brijeg i „DANIAL'S“ d.o.o. Tešanj utvrđeno je da isti ispunjavaju uslove tražene tenderskom dokumentacijom, nakon čega je dana 28.06.2024. godine zakazana E-aukcija za dan 01.07.2024.godine sa početkom u 13,15 časova.

Rang lista ponuđača primjenom kriterija najniža cijena je sljedeća:

R. b.	Naziv/ime ponuđača	Ponuđena cijena bez PDV-a
1.	„SHOT“ d.o.o. Zenica	40.000,00 KM
2.	„DANIAL'S“ d.o.o. Tešanj	41.100,00 KM
3.	„KM TRADE“ d.o.o. Visoko	60.400,00 KM
4.	„MM TRADE“ d.o.o. Široki Brijeg	60.500,00 KM

Nakon dostavljanja Odluke o izboru najpovoljnijeg ponuđača broj: 05-04/06-11-531/24 od 04.07.2024. godine, odabrani najpovoljniji ponuđač „SHOT“ d.o.o. Zenica je dana 11.07.2024. godine ugovornom organu dostavio akt u kojem obrazlaže da zbog nepredviđene situacije odustaje od ponude i potpisivanja Ugovora za nabavku municije za potrebe Uprave policije MUP USK-a.

Postupajući u skladu sa članom 72. stav (3) tačka c) i tačka f) Zakona o javnim nabavkama BiH, ugovorni organ Uprava policije MUP USK-a dodjeljuje Ugovor ponuđaču čija je ponuda po rang-listi odmah nakon ponude najuspješnijeg ponuđača.

Na osnovu gore navedenog, odlučeno je kao u dispozitivu.

#### POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi BiH, putem Ugovornog organa u pisanoj formi, direktno ili elektronskim putem ili preporučenom poštom na adresu Ugovornog organa.

Dostavljeno:

1. „KM TRADE“ d.o.o Visoko, putem e-maila: [info@kmtrade.ba](mailto:info@kmtrade.ba),
2. „SHOT“ d.o.o. Zenica, putem e-maila: [info@shot.ba](mailto:info@shot.ba),
3. „DANIAL S“ d.o.o Tešanj, putem e-maila: [danials@bih.net.ba](mailto:danials@bih.net.ba),
4. „MM TRADE“ d.o.o. Široki Brijeg, putem e-maila: [marija.juric@mmtrade.ba](mailto:marija.juric@mmtrade.ba),
5. Sektor za mat.fin. poslove i IKT – za objavu i
6. a/a



AMEL K. DIREKTORA  
glavni inspektor

Amel Kozlica

502. Viteške brigade br.2, 77000 Bihac, BiH, Tel: +387/97/224-224, Fax: +387/37/ 221-560  
Web: [www.mupusk.gov.ba](http://www.mupusk.gov.ba), e-mail: [mupusk@mupusk.gov.ba](mailto:mupusk@mupusk.gov.ba), [mat-fin-ikt@mupusk.gov.ba](mailto:mat-fin-ikt@mupusk.gov.ba)